

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA OLOVO  
Općinski načelnik**

Broj:02-24-1 ~~2187~~/16  
Datum: 30.09.2016.godine

Na osnovu člana 42. Statuta Općine Olovo („Službeni glasnik Općine Olovo“, broj: 2/07 i 4/08), Programa utroška sredstava za poticaje u poljoprivredi za 2016. godinu, Uputstva za poticanje primarne poljoprivredne proizvodnje za 2016 godinu i Memoranduma o razumijevanju između Općine Olovo i Muslim Aid-a Sarajevo, Općinski načelnik putem Službe za ekonomske poslove raspisuje:

**JAVNI POZIV  
za projekat „Ekonomsko osnaživanje nezaposlenih i socijalno ugroženih porodica iz  
Općine Olovo kroz stočarstvo“**

**I.Predmet javnog poziva**

Podnošenje zahtjeva za projekat „Ekonomsko osnaživanje nezaposlenih i socijalno ugroženih porodica iz Općine Olovo kroz stočarstvo“

**PROGRAM:**

Nabavka 17 steonih junica

**1. Pravo učešća**

Pravo učešća na Javni oglas imaju osobe sa stalnim boravkom na teritoriji općine Olovo, koja izraze spremnost za lično učešće u sufinansiranju u iznosu 20% od ukupne vrijednosti jedne steone junice.

Pravo na dodjelu steonih grla krupne stoke nemaju lica koja su u posljednjih 8 godina dobila ovakvu ili sličnu donaciju iz oblasti poljoprivrede od Općine Olovo, nadležnih ministarstava, humanitarnih i drugih organizacija.

**II. USLOVI**

**Podnosilac zahtjeva treba da ispunjava slijedeće opšte i posebne uslove.**

**1. Opšti uslovi:**

- Da posjeduje vlastito poljoprivredno zemljište minimalne površine 7 ( sedam ) dunuma, ili da ima Rješenje o nasljeđivanju.
- Da posjeduje vlastiti štalski objekat, koji ispunjava minimalne zootehničke i zoohigijenske uslove.
- Da ima stalno prebivalište na području općine Olovo.
- Da učestvuje u sufinansiranju 20% (700,00 KM )od ukupne cijene grla

- Da se nalazi na evidenciji zavoda za zapošljavanje
- Da primanja po članu domaćinstva ne prelaze 300 KM po članu domaćinstva

## **2. Posebni uslovi:**

- Ranija korištenost/nekorištenost materijalnih sredstava u poljoprivredi (dostaviti izjavu ovjerenu od strane općinske službe za ovjeru potpisa).
- Broj nezaposlenih članova zajedničkog domaćinstva.
- Broj izdržavanih članova zajedničkog domaćinstva.
- Pripadnost OSBiH, RVI, članovi porodice šehida i poginulih boraca, porodice umrlih demobilisanih boraca.
- Štalski objekat (zoo higijenski i zootehnički uslovi štali)

## **3. Zainteresovani kandidati uz prijavu podnose slijedeću dokumentaciju:**

- kopija lične karte podnosioca prijave i CIPS- potvrda,
- izjava o spremnosti sufinansiranja u iznosu 20% (700,00 KM) od ukupne vrijednosti jedne steone junice ovjerena od strane općinske službe za ovjeru potpisa,
- ovjerena izjava da će korisnik projekta muzno grlozadržati najmanje 2 godine od dana potpisivanja Ugovora
- ovjerena izjava o posjedovanju odgovarajućeg štalskog objekta,
- ovjerena izjava o brojnom stanju krupne stoke,
- izjavu o ranijoj korištenosti/nekorištenosti materijalnih sredstava u poljoprivredi (dostaviti izjavu ovjerenu od strane općinske službe za ovjeru potpisa,
- ovjerena kućna lista,
- dokaz o nezaposlenosti svih punoljetnih članova zajedničkog domaćinstva izdat od Biroa za zapošljavanje,
- posjedovni list ili ZK izvadak za zemljište,
- dokaz o ukupnim mjesečnim primanjima podnosioca prijave i članova porodičnog domaćinstva (platne liste, ček od penzije),
- dokaz o pripadnosti OSBiH, RVI, članovi porodice šehida i poginulih boraca, porodice umrlih demobilisanih boraca.

## **III. Način izbora korisnika**

Izbor korisnika po osnovu ovog Javnog poziva vršit će Komisija koju će imenovati Općinski načelnik.


Komisija će razmatrati prijave u skladu sa Pravilnikom o utvrđivanju uslova, kriterija i postupaka za ostvarivanje prava za dodjelu steonih grla krupne stoke, koje će donijeti Služba za ekonomske poslove i u skladu sa odredbama Javnog poziva.

Prijavu na Javni oglas sa potrebnom dokumentacijom dostaviti Službi za ekonomske poslove Općine Olovo na šalter protokola.

**Javni oglas ostaje otvoren do 20.10.2016. godine.**  
**Nepotpune i neblagovremene prijave neće se uzeti u razmatranje.**

Preliminarna lista izabranih korisnika biti će objavljena na web stranici Općine Olovo i na oglasnoj ploči Općine Olovo najkasnije do 25.10.2016. godine.

Oni korisnici koji budu izabrani a ne uplate učešće u iznosu od 20%, (700,00 KM) brisat će se sa spiska, a prvi slijedeći sa liste biti će izabran.  
Za dodatne informacije možete se obratiti u kancelariji broj 15 – šalter sala.



**OPĆINSKI NAČELNIK**

**Đemal Memagić**